

სახელმწიფო შესყიდვის შესახებ

ხელშეკრულება № 51

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულებას, რომელიც დადებულია ელექტრონული ტენდერის ჩატარების შედეგად

ქ. ბათუმი

14 თებერვალი 2019 წ.

ერთი მხრივ, შპს „ქ. ბათუმის რესპუბლიკური კლინიკური საავადმყოფო“ (შემდგომში „შემსყიდველი“) წარმოდგენილი მისი დირექტორის მალხაზ ხალვაშის სახით და მეორე მხრივ, შპს „მედინიუსი“ (ს/კ 412718769) (შემდგომში „მიმწოდებელი“) წარმოდგენილი მისი დირექტორის რაჟდენ ფაიტიანცის (პ/ნ 60001037263) სახით, „სახელმწიფო შესყიდვების შესახებ“ საქართველოს კანონისა და პრეტენდენტის შპს „მედინიუსი“-ს სატენდერო წინადადების საფუძველზე (NAT190001126) ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6. „შესყიდვის ობიექტი/საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

- 2.1. ხელშეკრულების საგანს წარმოადგენს სამედიცინო მოწყობილობების (ერთჯერადი მოხმარების სამედიცინო საშუალებები) შესყიდვა ფასების ცხრილის (დანართი #1-ის) შესაბამისად;
- 2.2. ხელშეკრულებით გათვალისწინებული შესყიდვის ობიექტის რაოდენობა და აღწერა მოცემულია ფასების ცხრილში (დანართი №1), რომელიც თან ერთვის ხელშეკრულებას, როგორც მისი განუყოფელი ნაწილი;
- 2.3. კლასიფიკატორის კოდი: 33100000.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 77163.00 (სამოცდაჩვიდმეტი ათას ას სამოცდასამი ლარი და 00 თეთრი) ლარს;
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ შესაბამის გადასახადებს.

4. ანგარიშსწორების ფორმა და ვადები

- 4.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.
- 4.2. ანგარიშსწორება განხორციელდება ეტაპობრივად მოწოდებული ობიექტების შესაბამისად, მიღება-ჩაბარების აქტის (რომელსაც მიმწოდებელი წარუდგენს შემსყიდველს ყოველი კონკრეტული მიწოდების დროს) შედგენიდან არაუგვიანეს 30 (ოცდაათი) სამუშაო დღის განმავლობაში საგადასახადო დოკუმენტაციის საფუძველზე (საგადასახადო დოკუმენტაციაში დამატებით მიეთითოს ხელშეკრულების ნომერი).

5. შესყიდვის ობიექტის მიღება-ჩაბარების წესი

- 5.1. შემსყიდველი შესყიდვის ობიექტის მიღებას მოახდენს ეტაპობრივად, მოთხოვნის შესაბამისად (საჭიროებისამებრ);
- 5.2. შესყიდვის ობიექტი მიღებულად ჩაითვლება მოწოდებულ საქონელზე გაფორმებული მიღება-ჩაბარების აქტზე ორივე მხარის მიერ ხელმოწერის დღიდან;
- 5.3. შესყიდვის ობიექტის მიღება-ჩაბარებას ახორციელებს სათანადოდ უფლებამოსილი პირი;
- 5.4. შემსყიდველის მხრიდან შესყიდვის ობიექტის/საქონლის მიღება-ჩაბარებაზე უფლებამოსილი წარმომადგენელია შემსყიდველი ორგანიზაციის ხელმძღვანელის მიერ განსაზღვრული პირი - შპს „ქ. ბათუმის რესპუბლიკური კლინიკური საავადმყოფო“-ს აფთიაქის გამგე გურამ სურმანიძე;
- 5.5. შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლი აღმოფხვრას საკუთარი ხარჯებით უზრუნველყოფს მიმწოდებელი;
- 5.6. შემსყიდველი ვალდებულია ოპერატიულად, აცნობოს მიმწოდებელს გამოვლენილი დეფექტისა და ნაკლის შესახებ;
- 5.7. შესყიდვის ობიექტის რაოდენობა არის საგარეუდო და მისი შესყიდვა განხორციელდება შემსყიდველის მოთხოვნის შესაბამისად, ანუ შემსყიდველი იტოვებს უფლებას არ აითვისოს სრულად დანართი #1-ში აღნიშნული საქონელი.

6. შესყიდვის ობიექტის მიწოდების ადგილი, ვადა და პირობები

- 6.1. შესყიდვის ობიექტის/საქონლის მიწოდების ადგილად განისაზღვრება შემსყიდველის მისამართი (ქ. ბათუმი ტბელ აბუსერიძის ქ. N2) (აფთიაქი);
- 6.2. შესყიდვის ობიექტის შეკვეთა განხორციელდება შემსყიდველის პასუხისმგებელი პირის მოთხოვნით (წერილობითი ფორმით, სატელეფონო კომუნიკაციის ან ელექტრონული ფოსტის საშუალებით, შესყიდვის ობიექტის რაოდენობის მითითებით);
- 6.3. შესყიდვის ობიექტის/საქონლის მიწოდება შემსყიდველისათვის უნდა განხორციელდეს შემსყიდველის მოთხოვნის შესაბამისად, ხელშეკრულების გაფორმებიდან 2019 წლის 31 დეკემბრის ჩათვლით, შემსყიდველის მოთხოვნიდან 2(ორი) კალენდარული დღის განმავლობაში.

7. გარანტია

- 7.1 შესყიდვის ობიექტი უნდა შესაბამებოდეს საქართველოში და საერთაშორისო პრაქტიკაში აღიარებულ სტანდარტებს, ტექნიკურ მაჩვენებლებს და კანონმდებლობით გათვალისწინებულ მოთხოვნებს;
- 7.2. მიმწოდებელი ვალდებულია მიწოდებიდან ერთი წლის მანძილზე მოახდინოს ყველა გამოვლენილი ნაკლის აღმოფხვრა საკუთარი ხარჯებით ან ნაკლის მქონე საქონლის შეცვლა ახალი საქონლით;
- 7.3. მიწოდებული საქონლის საგარანტო ვადა უნდა იყოს არანაკლებ 1 წელი მიწოდების მომენტიდან.

8. მხარეთა უფლება-მოვალეობანი

- 8.1. შემსყიდველი უფლებამოსილია:
 - ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - ბ) საქონლის მიწოდების დასრულებამდე გამოითხოვოს მიმწოდებლისაგან შესყიდვის ობიექტის შესახებ მისთვის საჭირო დოკუმენტი;
 - გ) საჭიროების შემთხვევაში განახორციელოს მოწოდებული საქონლის ექსპერტიზა შესაბამისი სამსახურის მეშვეობით. ექსპერტიზასთან დაკავშირებული ხარჯები ანაზღაურდეს მიმწოდებლის მიერ;
- 8.2. შემსყიდველი ვალდებულია უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 8.3. მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 8.4. მიმწოდებელი ვალდებულია:
 - ა) მიაწოდოს საქონელი სათანადო ხარისხით და სრული მოცულობით, ხელშეკრულების მე-6 და მე-7 მუხლების შესაბამისად;
 - ბ) უზრუნველყოს საქონლის მიწოდება ფასების ცხრილის (დანართი #1) შესაბამისად, რომელიც თან ერთვის ხელშეკრულებას, როგორც მისი განუყოფელი ნაწილი;
 - გ) შემსყიდველის მოთხოვნის შემთხვევაში მიაწოდოს შესყიდვის ობიექტთან დაკავშირებული ინფორმაცია და დოკუმენტაცია;
 - დ) იმ შემთხვევაში, თუ მიწოდებული საქონელი ნაკლის მქონე აღმოჩნდება გარანტიის მოქმედების ვადაში, აღმოფხვრას ნაკლი ან შეცვალოს იგი შეტყობინებიდან 2 (ორი) კალენდარული დღის ვადაში;

9. ხელშეკრულების შესრულების კონტროლი

- 9.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი - შპს „ქ. ბათუმის რესპუბლიკური კლინიკური საავადმყოფო“-ს აფთიაქის გამგე გურამ სურმანიძე;
- 9.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს;
- 9.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შეუსრულებლობისათვის

- 10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისას, ნაწილობრივ შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;
- 10.2. მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში, გადაუხადოს პირგასამტეხლო შემსყიდველს ყოველ ვადაგადაცილებულ 1 (ერთი) დღეზე შესასრულებელი ვალდებულების შესაბამისი ღირებულების არაუმეტეს 0.02%-ის ოდენობით, მაგრამ არანაკლებ 10 ლარისა;
- 10.3. მიმწოდებლის მიზეზით, ხელშეკრულების ნაწილობრივ შესრულების (შესყიდვის ობიექტის ნაწილის არასათანადო ხარისხით ან სხვა პირობების დარღვევისათვის) შემთხვევაში, მიმწოდებელი დაჯარიმდება ხელშეკრულების საერთო ღირებულების არაუმეტეს 7%-ს ოდენობით;
- 10.4. იმ შემთხვევაში, თუ ხელშეკრულების შეწყვეტა განხორციელდება მე-11 მუხლის 11.1. პუნქტის „ა“, „ბ“, „დ“, „ე“ და „ვ“ ქვეპუნქტებისა და 11.2. პუნქტის შესაბამისად, მიმწოდებელი დაჯარიმდება ხელშეკრულების საერთო ღირებულების არაუმეტეს 5%-ის ოდენობით;
- 10.5. საჯარიმო სანქციით დაკისრებული თანხა მიმწოდებლის მიერ გადახდილი უნდა იქნას აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში, შემსყიდველის გადაწყვეტილებით პირგასამტეხლოს თანხის დაკავება შესაძლებელია განხორციელდეს მოწოდებული საქონლის ასანაზღაურებელი ღირებულებიდან;
- 10.6. პირგასამტეხლოს გადახდა არ ათავისუფლებს მიმწოდებელს ხელშეკრულების ძირითადი ვალდებულებების შესრულებისაგან.
- 10.7. შემსყიდველი ორგანიზაციის მიერ მე-4 მუხლის 4.2. პუნქტით განსაზღვრული პირობის დარღვევის შემთხვევაში, მიმწოდებელი უფლებამოსილია მოითხოვოს, ხოლო ასეთ შემთხვევაში შემსყიდველი ვალდებულია გადაიხადოს პირგასამტეხლო ასანაზღაურებელი თანხის ღირებულების 0,1%-ის ოდენობით.

11. ხელშეკრულების შეწყვეტის პირობები

- 11.1. „შემსყიდველი“ უფლებამოსილია ცალმხრივად, ვადაზე ადრე მიიღოს გადაწყვეტილება ხელშეკრულების შეწყვეტის შესახებ:
- ა) იმ შემთხვევაში, თუ მე-10 მუხლის 10.2. პუნქტის შესაბამისად განხორციელებული საჯარიმო სანქციების ჯამური თანხა გადააჭარბებს ხელშეკრულების ღირებულების 1 %-ს;
 - ბ) მიმწოდებლის მიერ ხელშეკრულების მე-5 მუხლის 5.3. პუნქტის დარღვევის შემთხვევაში;
 - გ) თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;
 - დ) თუ „შემსყიდველისათვის“ ცნობილი გახდა, რომ მიმწოდებელი, სხვადასხვა მიზეზებიდან გამომდინარე, (რომელიც არ არის დაკავშირებული შემსყიდველ ორგანიზაციასთან) ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ე) „მიმწოდებლის“ გაკოტრების შემთხვევაში;
 - ვ) მიმწოდებლის მიერ ხელშეკრულების მე-6 ან მე-7 მუხლის პუნქტებით გათვალისწინებული მოთხოვნების დარღვევისა ან/და მე-8 მუხლის 8.4 პუნქტის დარღვევის შემთხვევაში;
 - ზ) ხელშეკრულებით გათვალისწინებულ სხვა შემთხვევებში;
 - თ) შემსყიდველი უფლებამოსილია 2019 წლის ნებისმიერ პერიოდში, ორგანიზაციის სხვადასხვა ინტერესებიდან გამომდინარე, ცალმხრივად შეწყვიტოს მხარეთა შორის გაფორმებული ხელშეკრულება, აღნიშნული გადაწყვეტილება მიმწოდებელს ეცნობება ხელშეკრულების შეწყვეტამდე 10 (ათი) სამუშაო დღით ადრე;

11.2. იმ შემთხვევაში, თუ მიმწოდებლის მხრიდან შესყიდვის ობიექტის მიწოდება, მე-6 მუხლის 6.3. პუნქტით განზაღვრული ვადას გადააჭარბებს 10 (ათი) ან მეტი დღით, შემსყიდველის მხრიდან განხორციელება ხელშეკრულების ცალმხრივად შეწყვეტა;

11.3. ხელშეკრულება შეწყვეტილად ჩაითვლება შემსყიდველის მიერ, ხელშეკრულების შეწყვეტის შესახებ გაგზავნილი შეტყობინების მიმწოდებლისათვის ჩაბარებისთანავე.

11.4. ამ მუხლის 11.1 და 11.2 პუნქტში მითითებულ შემთხვევაში, შემსყიდველი ვალდებულია აუნაზღაუროს მიმწოდებელს ფაქტიურად მოწოდებული საქონლის ღირებულება, მიმწოდებლისთვის დაკისრებული პირგასამტეხლოს თანხის გადახდის შემდეგ (ასეთის არსებობის შემთხვევაში).

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი ცვლილებების გარდა;

12.2. წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდეგ;

12.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ;

12.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, „სახელმწიფო შესყიდვების შესახებ“ საქართველოს კანონისა და სხვა კანონქვემდებარე ნორმატიული აქტებით დადგენილ მოთხოვნათა გათვალისწინებით;

12.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.6. ხელშეკრულებაში ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. ფორს-მაჟორი (დაუძლეველი ძალა)

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, საომარი მოქმედებებით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობით დადგენილი წესის მიხედვით მიმართოს სასამართლოს, თუ ხელშეკრულების პირობებით სხვა რამ არ არის გათვალისწინებული.

15. ხელშეკრულების ენა

15.1. ხელშეკრულება შედგენილია ელექტრონული ფორმით ქართულ ენაზე.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 30 იანვრის ჩათვლით.

17. მხარეთა იურიდიული მისამართები და რეკვიზიტები

„შემსყიდველი“

მის: ქ. ბათუმი, ტბელ აბუსერიძის ქ. №2
შპს „ქ. ბათუმის რესპუბლიკური
კლინიკური საავადმყოფო“
ანგარიშის № GE53 VT55 0000 0000 1834 08
საიდენტიფიკაციო კოდი: 245 428 880
მიმღების ბანკი: სს „ვითიბი ბანკი ჯორჯია“;
ბანკის კოდი: UGEBGE22

„მიმწოდებელი“

მის: ქ. ქუთაისი ლ. ასათიანის 83
შპს „მედინიუსი“
ანგარიშის № GE87BG0000000668760700
საიდენტიფიკაციო კოდი: 412 718 769
მომსახურე ბანკი: სს „საქართველოს ბანკი“
ბანკის კოდი: BAGAGE22
ელ.მის: medaniusi@mail.ru

დირექტორი
მალხაზ ხალვაში

დირექტორი
რაქდენ ფაიტაიანც

პრეტენდენტის დასახელება: -----შპს "მედინიუსი"

საერთო ფასი: -----

N	შესყიდვის ობიექტის საერთაშორისო დასახელება	გამზომის ლუბის ერთეული	რაოდენობა ან მოცულობა	მწარმოებელი ქვეყანა	მწარმოებელი კომპანია	ერთეულის ფასი	ჯამი
1	ერთჯერადი ქირურგიული ტანსაცმლის ნაკრები შუფუთებით სტერილური (სამი ცალი ვეტიმის ქირურგიული სტერილური ერთჯერადი ხალათი დამცავი ფენით მკლავებზე გადსვლით, ანესთეზიის გადსაფარებელი 150/240. ბაზილი სამი წყვილი. გვერდზე ასაფარებელი ზეწარი სანელებით 75/90 ორი ცალი. მაგიდის გადსაფარებელი 100/150. ერთი ცალი. ქამარი 10/50. ორი ცალი ხელსაბოვი 40/40 სანი ცალი. მათის გადსაფარებელი 80/150 ერთი ცალი. გადსაფარებელი 160/175 ერთი ცალი. კომპლექტის შესაფუთი 75/100 ერთი ცალი	კომპლექტი	1800	თურქეთი	ჰარმედი	22.5	40500
2	ერთჯერადი ხალათი სტერილური მოზრდილების (წყალგუმტარი, დამცავი ფენით და მანქეტებით)	ცალი	1200	ჩინეთი	ლეზო	5	6000
3	ხალათი მნახველის მოზრდილების	ცალი	200	ჩინეთი	ლეზო	1.5	300
4	ფუნქციური საწოლის წყალგუმტარი ზეწარი ზომა 80სმ/200სმ.	ცალი	100	ჩინეთი	ლეზო	3.00	300
5	საწოლის ერთჯერადი გადსაფარებელი 50სმ/ 50 მ (რულონი)	რულონი	600	თურქეთი	ბურაკ-დია	9.00	5400
6	სამედიცინო ქუდი რეზინის ზორტით	ცალი	20000	ჩინეთი	ლეზო	0.06	1200
7	მუშაშპა სამედიცინო 1 მეტრი	მეტრი	1300	ჩინეთი	პლასტი-მედი	6	7800
8	ღამის საფენი მოზრდილების	ცალი	8000	თურქეთი	აგილიკ-საგილიკი	1.20	9600
9	ერთჯერადი წინსაფრები	ცალი	300	ჩინეთი	გრით-მედი	0.20	60
10	პაციენტის ლეიბი ნაწოლების საწინააღმდეგო	ცალი	15	თურქეთი	გალენა	100.20	1503
11	პაციენტის ერთჯერადი ჰიგიენური დამუშავების ღრუბელი (საპნის შემცველი) 12X20 სმ.	ცალი	3000	ჩინეთი	გრით-მედი	1.5	4500
ჯამი							77163

შპს "მედინიუსი"-ს დირექტორი/რაჟდენ ფაიტანტ/ Rajden Phaitants
Digitally signed by
Date: 2019.01.29
08:33:24 +04'00'